

**AKT THEMELIMI I
SHOQËRISË “SOLAR LOGISTIC” SHPK**

Sot, më 01.09.2023, ortaku i mëposhtëm themelues:

- 1) **Shoqëria “Interlogistic shpk.**, me Nr.NIPT K21605003M me seli në Tiranë, Kashar, Autostrada Tiranë- Durrës, Rruga Dytësore, Km 9, Godina 3-katëshe, përfaqësuar nga Administratori **Z. Edmond HIDO**.

i cili me vullnet të plotë, të lirë e të pacënuar, nënshkruan këtë Akt Themelimi, në përputhje me Ligjin Nr. 9901, datë 14.04.2008 “Për tregtarët dhe shoqëritë tregtare” (i ndryshuar), nëpërmjet të cilit Ortaku Themelues shpreh vullnetin të themelojë shoqërinë “**SOLAR LOGISTIC**” SHPK, me kushtet si më poshtë vijon:

NENI 1

Emri i shoqërisë

- 1.1. Emri i shoqërisë do të jetë “**SOLAR LOGISTIC**” SHPK.
- 1.2. Ortaku Themelues i shoqërisë mban përgjegjësi të kufizuar deri në pjesën e pashlyer të kontributeve të nënshkruara të kapitalit bazë të shoqërisë.

NENI 2

Forma e shoqërisë

- 2.1. Forma e shoqërisë tregtare “**SOLAR LOGISTIC**” SHPK (referuar në vijim si “*Shoqëria*”) do të jetë shoqëri me përgjegjësi të kufizuar, sipas parashikimeve të Ligjit Nr. 9901, datë 14.04.2008 “Për tregtarët dhe shoqëritë tregtare” (i ndryshuar).
- 2.2. Shoqëria është Person Juridik Privat Shqiptar.

NENI 3

Selia e shoqërisë

- 3.1. Selia e shoqërisë ndodhet në Tiranë, në adresën: Autostrada Tiranë- Durrës, Rruga Dytësore, km 9, ZK. 2119, Pas. Nr. 148/46, Godina 3-katëshe, Kashar, Tiranë.
- 3.2. Shoqëria ka të drejtë të ndryshojë selinë e saj në një adresë dhe/ose qytet tjetër brenda Republikës së Shqipërisë.

NENI 4
Kohëzgjatja e Shoqërisë

4.1. Shoqëria do të ushtrojë aktivitetin e saj për një afat kohor të pakufizuar, i cili fillon me regjistrimin e shoqërisë në regjistrin tregtar. Ortakët e Shoqërisë mund të vendosin kufizimin e afatit të veprimitarisë dhe më pas zgjatjen e saj një apo disa herë, nëpërmjet një vendimi të posaçëm.

NENI 5
Objekti i veprimitarisë

5.1. Objekti i Veprimitarisë së Shoqërisë do të jetë, por duke mos u kufizuar në të: Implementimi dhe menaxhimi i projekteve gjeneruese të energjisë elektrike solare dhe energjisë së erës në Republikën e Shqipërisë dhe marrja nga Qeveria Shqiptare apo Ministrinë e Institucionet të Shtetit Shqiptar i të gjitha miratimeve, lejeve dhe licensave të cilat mundësojnë zhvillimin e këtij aktiviteti në përputhje me kuadrin ligjor në Republikën e Shqipërisë. Instalimi dhe ndërtimi i impianteve energjitike nga burime të rinovueshme nga dielli, era, uji etj. Ndërtimi i hidrocentraleve, prodhimi dhe shitja e energjisë elektrike etj. Tregtimi i energjisë nga burime të rinovueshme. Import - eksport, projektim, instalim, supervizim, mirëmbajtje etj.

NENI 6
Kapitali dhe Kuotat e Shoqërisë

- 6.1. Kapitali bazë i Shoqërisë është në vlerën ALL 100,000 (njëqindmijë lekë).
- 6.2. Kapitali bazë i Shoqërisë përbëhet nga 1 (një) kuotë, e cila zotërohet nga Ortaku Themelues, shoqëria "Interlogistic" shpk me vlerë nominale prej ALL 100,000 (njëqindmijë lekë), e cila i jep të drejtën e pjesëmarrjes prej 100% (njëqind përqind) në kapitalin bazë të shoqërisë.
- 6.3. Kapitali bazë i Shoqërisë është nënshkruar dhe paguar në tërësinë e tij nga Ortaku Themelues.

NENI 7
Organet Drejtuese

- 7.1. Bazuar në dispozitat e Ligjit Nr. 9901, datë 14.04.2008 "Për tregtarët dhe shoqëritë tregtare" (i ndryshuar), organet drejtuese të shoqërisë janë:
 1. Asambleja e Përgjithshme e Ortakëve - organi më i lartë vendimmarrës;
 2. Administratori - organi ekzekutiv dhe administrativ i Shoqërisë.
- 7.2. Mënyra e organizimit dhe funksionimit të tyre është e përcaktuar në Statutin e Shoqërisë.



NENI 8
Administrimi

- 8.1. Shoqëria do të administrohet nga Administratori i saj, i cili mund të emërohet për një afat deri në pesë vjet me të drejtë riemërimi.
- 8.2. Administrator i vetëm i shoqërisë "*Solar Logistic*" SHPK do të jetë *Z. Edmond Hido*, shtetas Shqiptar, lindur më 20.08.1956 në Tiranë dhe banues në Tiranë identifikuar nëpërmjet letërnjoftimit ID me nr. Personal F60820160W madhor e me zotësi të plotë për të vepruar, i cili autorizohet për të kryer të gjitha procedurat e regjistrimit të shoqërisë pranë Qendrës Kombëtare të Biznesit.
- 8.3. Administratori i sipërcituar emërohet për një afat 5 (pesë) vjeçar me të drejtë riemërimi, duke nisur ky afat nga data e regjistrimit të tij pranë Qendrës Kombëtare të Biznesit.
- 8.4. Shoqëria do të përfaqësohet përpara çdo organi administrativ, gjyqësor, apo çdo entiteti tjetër publik apo privat dhe në marrëdhënie me të tretët nga Administratori i Shoqërisë, i cili i ushtron të drejtat e tij në përputhje me Statutin e Shoqërisë dhe me legjislacionin shqiptar në fuqi, apo nga një ose disa persona të autorizuar prej tij.

NENI 9
Ligji i aplikueshëm

- 9.1. Veprimtaria e Shoqërisë rregullohet nga legjislacioni në fuqi në Republikën e Shqipërisë, ky Akt Themelimi, si dhe parashikimet e Statutit të saj.

NENI 10
Regjistrimi

- 10.1. Shoqëria do të regjistrohet pranë Qendrës Kombëtare të Biznesit nga Administratori dhe/ose një/disa person(a) të autorizuar prej tij për këtë qëllim, në përputhje me legjislacionin në fuqi.

NENI 11
Dispozitat përfundimtare

- 11.1 Ky Akt Themelimi hartohet në 3 (tre) kopje në shqip dhe nënshkruhet nga Ortaku Themelues i shoqërisë.

ORTAKU THEMELUES
SHOQËRIA INTERLOGISTIC SHPK



Edmond Hido

Përfaqësuar nga Administratori

Z. Edmond HIDO